

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 70 (2008)

Heft: 5: Frauen und Männer im Lehrberuf

Rubrik: Pagina Rumanschta

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use


The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Las femnas domineschan la scola

UNA COLUMNA DA MARTIN MATHIUET



Els onns 1960 – 70 ha quella historia cun las femnas – oz astg'ins strusch duvra quei plaid pli – en scola entschiet. Ei era vegniu «schic» da pretender che dunnas duessien era haver geometria... ir el seminari / gimnasi, far gymnastica, tschercar in'atgna existenza, far sex (cun plirs) senza vegnir en speranza... Ch'ils umens fussien denton i a far caltschiel era lu aunc stursch imaginabel – aschi pauc sco dunnas che mondien obligatoricamein el militar (priu ora las tgirunzas). Jeu havevel giu pretendiu sco scolar secundar l'entschatta dils anno 70 che sche las dunnas veglien il dretg da votar, duegien ellas era haver l'obligaziun da far survetsch militar. Quei haveva dau tubac en scola ed jeu havevel stuiu allontanar il placat ch'jeu havevel pendiu si.

Ilis umens havevan silpli entschiet a schar crescher cavels (Beatles) mo quei era plitost in simbol da libertad, da revolta e protest che d'ina copia dallas frisuras dallas dunnas. Umens savevan praticamein mo esser cools cun sustener e promover la posiziun


dalla dunna. Secapescha era – e quei buc'il davos ord agens interess – en damondas dalla preservaziun. Also stuer gidar d'ina vart empau el tener casa purtada da l'autra vart gl'avantatg da saver guder empau pli intensiv il letg matrimonial – ni era in auter – ed oravontut senza consequenzas. – Pir ch'il papa fageva e mender ch'ei vegneva! Quell'unda dall'emancipaziun er'en rocla e dueva buca star eri tochen ch'il perpentechel era da l'autra vart.

Ed ussa havein nus la miarda! Ilis nauschasperts che nus havein clamau ein ussa cheu! Dapertut memia bia dunnas; en spital, en scola, ell'administraziun, ell'economia,.... – e.... buca pops! Grad per la scola romontscha ei quei sgarscheivell! Fertion che las dunnas eran aunc empau fritgeivlas pli baul, ein ellas magari retenidas ussa cun (schar) far pops! Ins sa gie mai – sche negin fa pops, drovi era buca scolasts e scolastas! Ed el mender cass eis ei

meglier sche la dunna vegn malsauna ni senza lavur ch'igl um. En nos gens ei aunc adina francau ch'igl um mondi a luvrar e la dunna resti a casa davos la platta da cuschinar! Mo en verdad ein il fatgs semidai radicalmein – senza ch'ins havessi ni hagi el «griff» las consequenzas!

Uss che la dunna ei semancipada empau havein nus tuttenina in problem cun dunnas che sefutan dalla rolla tradiziunala e sedeportan sco umens.

Sco quei ch'ils umens ein sabsentai ord scola ed educaziun aschia tuornan els era anavos – ins sto mo far in marketing societar adequat per da quels trends e modas. Il mund dalla reclama influenzescha era quella percepziun – perquei eis ei d'adattar la situaziun e far l'educaziun pli intressanta e lu era vender quella nova attractivada. Lu vai buca ton ditg ch'il perpentechel schula da l'autra vart ora! Priu ch'ei hagi aunc pops!



INVITAZIUN

alla rangaziun dallas concurrenzas litteraras

«La Plema d'aur e la Miur romontscha 2008»

dumengia, ils 16 da november
2008 allas 16.00 uras

Center da cultura, lungatg formaziun Surselva
Via Curtgin pign 35, Laax

rangaziun prelecziun

las meglieras lavurs vegnan
prelegidas dils/dallas auturAs
presentaziun cudischet
«Plema d'aur 2008» cun tut ils
texts rangai e proponi per publicar

categorias

affons	da 7 – 9 onns
affons	da 10 – 12 onns
giuvenils	da 13 – 16 onns
carschi	17 e pli vegl
electronica	«homepage»